



## ҚАСЫМ-ЖОМАРТ ТОҚАЕВ КОРЕЯ РЕСПУБЛИКАСЫ ПРЕЗИДЕНТІНІҢ АРНАУЛЫ ӨКІЛІ – ПРЕЗИДЕНТ ӘКІМШІЛІГІНІҢ БАСШЫСЫ КАН ХУН ШИКТІ ҚАБЫЛДАДЫ

Мемлекет басшысы Корея Республикасы Қазақстанның негізгі стратегиялық серіктестерінің бірі саналатынына назар аударып, екіжақты ықпалдастық қарқынына жоғары баға берді.

Президент Қазақстанның корей халқына және Корея Республикасының даму деңгейіне құрметпен қарайтынын атап өтіп, Астана екі ел арасындағы кеңейтілген стратегиялық серіктестікті одан әрі нығайтуға ниетті екенін растады.

Қасым-Жомарт Тоқаев Кан Хун Шикті арнаулы өкіл ретінде өлімізге жасаған сапарының маңыздылығына тоқталды және Корея Республикасының Президенті Ли Чжэ Мёнге ыстық лебізін жолдады.

— Сіздің сапарыңыз қазақ-корей ықпалдастығын одан әрі нығайту тұрғысынан өте маңызды. Бірлескен күш-жігердің арқасында елдеріміздің ынтымақтастығы арта түсетініне



сенімдімін, — деді Мемлекет басшысы.

Кан Хун Шик қонақжайлық танытқаны үшін ризашылық білдіріп, Қазақстанның жаңа Конституциясын қабылдау бойынша референдумның табысты өтуіне орай Президент Ли Чжэ Мённің құттықтауын

жеткізді.

Арнаулы өкіл Корея Республикасының сауда-экономикалық және инвестициялық байланыстарды күшейту, сондай-ақ түрлі салада бірлескен жобаларды іске асыру арқылы өзара қарым-қатынасты мүлдем

жаңа деңгейге шығаруға айрықша маңыз артатынын мәлімдеді.

Өңгімелесу барысында екіжақты күн тәртібіндегі көптеген мәселе, соның ішінде жаһандық нарықтағы қазіргі сын-қатерлерге байланысты энергетика, көлік-логистика салаларында ықпалдастық аясын кеңейту перспективасы талқыланды.

Кездесу соңында Кан Хун Шик Президент Ли Чжэ Мённің Қазақстан Президентін Корея Республикасына сапармен келуге және биыл қыркүйек айында Сеулде өтетін «Орталық Азия – Корея Республикасы» саммитіне қатысуға шақыратынын айтты.

Қасым-Жомарт Тоқаев Оңтүстік Корея кешбасшысының шақыруын ықыласпен қабыл алды. Мемлекет басшысы жоғары деңгейде өтетін алдағы келіссөздер екі ел ынтымақтастығын жаңадандырып, Орталық Азия – Корея Республикасы форматындағы ықпалдастықты арттыруға оң септігін тигізетініне сенім білдірді.

## Аида Балаева Алакөл жағалауының жазғы туристік маусымға дайындығымен танысты

ҚР Премьер-министрінің орынбасары – мәдениет және ақпарат министрі Аида Балаева мен туризм және спорт министрі Ербол Мырзабаевының Жетісу облысындағы туристік инфрақұрылымның жазғы маусымға дайындығымен танысып, Алакөл жағалауындағы негізгі нысандардың жай-күйін тексерді.

Жұмыс сапарына орталық мемлекеттік органдардың, Үкімет аппаратының, салалық ведомстволардың өкілдері, сондай-ақ Жетісу облысының өкімі Бейбіт Исабаев қатысты.

Тексеру барысында Үкімет басшысының орынбасары қонақүй кешендері, кәріз-тазарту құрылыстары нысаны, Көктума ауылындағы жағалауды бекіту учаскесі және Үшарал қаласының әуежайын аралады. Әр бағыт бойынша нысандардың қазіргі дайындығы мен жобалардың іске асу қарқыны жөнінде баяндалды.

Облыс өкімдігі жағалауды жазғы туристік маусымға дайындау бағытында ауқымды әрі жүйелі жұмыс жүргізіп келеді. Бұл жұмыстар Мемлекет басшысының тапсырмасына сәйкес жүзеге асырылуда. Президент еткен жылы да туристік аймақтарда тәртіп орнату, инженерлік және көлік инфрақұрылымын дамыту, сондай-ақ инвесторлар үшін нақты қолайлы жағдай жасау мәселелеріне ерекше назар аударған болатын. Бүгінде бұл мәселе Мемлекет басшысының айрықша бақылауында. Атап айтқанда, жалпы ұзындығы 488 шақырымды құрайтын Талдықорған – Үшарал және Үшарал – Достық автомобиль жолдарын реконструкциялау аяқталып, жағалаудың көлік қатынасы едәуір жақсарған. Үшарал әуежайының ұшу-қону жолағын жаңғыртудан кейін ірі әуе кемелерін қабылдауға мүмкіндік жасалып, қосымша терминал салу жобасы да өзгерленген.

Туристік аймақтың инженерлік инфрақұрылымы да едәуір нығайтылған. 57 шақырым электр желісі мен екі қосалқы станса құрылысы аяқталды. Бұл бұрынғы қуат тапшылығын жойып, алдағы кезеңге қажетті электр энергиясының қорын қалыптастыруға мүмкіндік берді. Ақши ауылында 69 шақырым кәріз желісінің құрылысы аяқталды. Ақши

мен Көктұмадан шығатын ағын суларды қабылдап, тазалап, суды техникалық мақсатта қайта пайдалануға мүмкіндік беретін тазарту құрылыстары жобасын іске асыру жалғасуда. Нысанды биылғы қазан айында толық жабдықтап, инженерлік желілерге қосу жоспарланған. Осылайша жағалаудағы санитариялық жағдай, су бұру және экологиялық қауіпсіздік мәселелері кезек-кезеңімен шешімін тауып келеді.

Жағалауды бекіту жұмыстарының барысына да баса назар аударылды. Жоба Алакөл жағалауының 13 шақырым аумағын қамтиды. Тексеру барысында бірқатар учаскелерде, соның ішінде жағалауға жақын орналасқан нысандар маңында жағаның шайылу белгілері бар екені тіркелді. Туристік нысан иелерінің айтуынша, қыс мезгілінде ірі мұз массалары жыл сайын жағалау жиегіне әсер етіп, топырақты шайып, жағажай аумағына зақым келтіреді. Соның салдарынан кәсіпкерлер әр маусым сайын жағажайларды қалпына келтіруге және абаттандыруға қайтадан қаржы салуға мәжбүр. Қазіргі уақытта Көктұмада 960 метр, Ақшиде 200 метр аумақта жағалауды бекіту жұмыстары атқарылған. Бұл бағыттағы жұмыстар жалғасуы тиіс. Өйткені аумақтың қорғалуы, нысандардың сақталуы және жағалаудың одан әрі дамуы соған тікелей байланысты.

Жағалаудың санитариялық дайындығы жөнінде де жеке баяндалды. Осы мақсатта коммуналдық база нығайтылып, санитариялық тазарту жұмыстарына қосымша 42 бірлік арнайы техника сатып алынған. Маусымдық бригадалардың жұмысы күшейтіліп, қоқысты жүйелі шығару, қоғамдық көңістіктер мен жағажай аумағын күтіп ұстау шаралары ұйымдастырылып жатыр.

Маусымның жақындауына байланысты қауіпсіздік мәселелеріне де ерекше назар аударылды. Жағалауда құтқару бөлімшелері жұмыс істейді, жазғы кезеңде маусымдық құтқарушылар қосымша тартылады, техника және құрал-жабдықпен жарақтандыру күшейтіледі. Сонымен қатар бейнебақылау, дрон арқылы мониторинг, қолданыстағы шектеулер мен құқық бұзушылықтар

үшін жауапкершілік туралы ақпараттық ескертпелер орналастыру көзделген. «Таза Қазақстан» және «Заң мен тәртіп» қағидаттары жағалаудың бүкіл аумағында нақты көрініс табуға тиіс екені атап өтілді. Бұл ең алдымен тазалықтан, тәртіптен, белгіленген талаптардың сақталуынан және барлық қызметтердің үйлесімді жұмысынан байқалуы қажет.

Күн тәртібінде туристік саладағы еңбек қатынастары мәселелері де қаралды. Әсіресе жастар мен студенттерге қатысты бейресми жұмыспен қамтудың алдын алу мәселесіне ерекше мән берілді. Барлық еңбек қатынастары, еңбекақы төлеу және еңбек жағдайлары тұрақты бақылауда болуы тиіс.

Алакөлді дайындаумен қатар, облыс өкімдігі Балқаш көліндегі туристік инфрақұрылымды дамыту бағытында да жұмыс жүргізіп жатқаны айтылды. Жағалау аймағының бас қоспары мен елге-төлгеілі жоспарлау жобасы бекітілген, абаттандыру жұмыстары жүргізілуде, жағажай инфрақұрылымын аяқтау 15 маусымға жоспарланған. Сонымен қатар аумақты одан әрі дамытуға және инвестиция тартуға бағытталған ілеспе жобалар жүзеге асырылып жатыр.

Аида Балаева атқарылған жұмыстар жағалаудың жаңа инфрақұрылымдық негізін қалыптастырып жатқанын атап өтті. Сонымен бірге демалушылар ағынының ұлғаюын ескере отырып, басты елшем нақты нәтиже мен барлық қызметтердің дайындығы болып қала беретінін айтты.

Жұмыс сапарының қорытындысы бойынша Премьер-министрдің орынбасары жағалаудың жазғы маусымға толық дайындығын қамтамасыз етуді, негізгі инфрақұрылымдық жобаларды белгіленген мерзімде аяқтауды, қауіпсіздік пен санитариялық күтіп-ұстау шараларын күшейтуді, демалушыларға арналған көрнекі профилактикалық түсіндіру жұмыстарын жолға қоюды, сондай-ақ туристер ағынының өсуі мен іші туризмді дамытудың ұзақмерзімді міндеттерін ескере отырып, туристік аймақты жүйелі жаңғыртуды жалғастыруды тапсырды.

## Бүгінгі нөмірде:

► Әскерден жалтарушылардың тізімі



► Мүгедек



► Тәуелсіздікке бастаған қадам



► Қазақ даласының батыры



**ХАБАРЛАНДЫРУ**

Ағымдағы жылдың 21 сәуірден бастап 20 жұмыс күні ішінде Қоршаған орта мен табиғи ресурстардың жай-күйі туралы Ұлттық деректер банкі (өрі қарай – ҚОТР ЖК ҰДБ) сайтында <https://ndbecology.gov.kz/> «Жоңғар-Алатауы МҰТП» РММ-нің «Жоңғар-Алатауы мемлекеттік ұлттық табиғи паркінің инфрақұрылымын дамыту жөніндегі бас жоспары мен аумақтық функционалдық аймақтарға бөлу бөлігіндегі техникалық-экономикалық негіздемесіне түзету енгізу» бойынша жария талқылаулар арқылы қоғамдық тыңдаулар өткізіледі.

Белгіленген қызметтің бастамашысы: «Жоңғар-Алатауы МҰТП» РММ, БСН 100540011608, Жетісу облысы, Сарқан қаласы, Венедиктов көшесі, 74-үй. Қосымша ақпарат алуға арналған байланыс деректері және электрондық пошта: тел.: 8 775 176 10 82, 8 (72839) 2-12-01, e-mail: [gongar\\_alatau@mail.ru](mailto:gongar_alatau@mail.ru). Жоба материалдарымен <https://ndbecology.gov.kz/> сайтындағы «Қоғамдық талқылаулар» бөлімінде танысуға болады. Ескертулер мен ұсыныстар [esportal.kz](http://esportal.kz) сайтында қабылданады. Әзірлеуші: «Жоңғар-Алатауы мемлекеттік ұлттық табиғи паркі» республикалық мемлекеттік мекемесі, тел.: 8 (72839) 2-12-01.

**ОБЪЯВЛЕНИЕ**

С 21 апреля текущего года в течение 20 рабочих дней на сайте Национального банка данных о состоянии окружающей среды и природных ресурсов (далее - НБД СОС и ПР) <https://ndbecology.gov.kz/> будут проведены общественные слушания посредством публичных обсуждений «Корректировка технико-экономического обоснования Жонгар-Алатауского государственного национального природного парка в части генерального плана развития инфраструктуры и функционального зонирования территории ГНПП».

Инициатор намечаемой деятельности: РГУ «Жонгар-Алатауский ГНПП», БИН 100540011608, Адрес: г.Сарқан, ул. Венедиктова 74. Дополнительную информацию можно получить по телефонам: 8 775 176 10 82, 8(72839)2-12-01, а также по адресу эл. почты [gongar\\_alatau@mail.ru](mailto:gongar_alatau@mail.ru). Ознакомиться с материалами проекта можно на сайте НБД СОС и ПР <https://ndbecology.gov.kz/> в разделе «Публичные обсуждения».

Замечания и предложения принимаются на сайте <https://ndbecology.gov.kz/>. Ответственная организация: Республиканское государственное учреждение «Жонгар-Алатауский государственный национальный природный парк», тел.: 8(72839)2-12-01.



**ЕСКЕ АЛУ**

**Елесінді сағындым**

Сәуірдің 19-ында Алматы қаласындағы «Сұлтан Сарайы» мейрамханасында осыдан 10 жыл бұрын өмірден өткен Мырзахара Жүнісұлының рухына арнап ас беріледі. Осынау еске алу іс-шарасының қарсаңында сүйікті жарыма арналған сағынышым өлең болып өрілді:

Қолымда қайтты жан-жарым,  
Ерекше туған бір адам.  
Бой ұсынып жарына,  
Ризалық дейім сұраған.  
Ризамын жаным әр еркек,  
Сендей - ақ өмір өткізсін.  
Өзіңе Аллаһ жәннетта,  
Қолымды қайта жеткізсін.  
Қадірінді Алла білгізген,  
Мен үшін ардақ асылсың,  
Жәннеттің сегіз есігі,  
Алдыңнан түгел ашылсын.  
Дәрменсіз хелде қоштастым,  
Ілесе жазадап соңынан.  
Ақырет күні пір Аллаһ,  
Кітабын берші онынан.  
Фәниден көшкендеріме,  
Аллаһтан жәннет сұраарым.  
Жүректен қалдың жарқырап,  
Фердауыс болсын тұрағың,  
Елесінді сағындым,  
Қадірлім менің құрметтім.

Сағыныш барын осылай,  
Басыма түспей білмелпін.  
Сағынышыма орап дұғамды,  
Барзаққа қарай ұшырдым.  
Бақытын сұрап Алладан,  
Қолымнан ұшқан құсымның.  
Беймәлім күйге тұншығып,  
Өткенді еске түсірдім.  
Сыңарынан айрылған,  
Аққудың өнін түсіндім.  
Түсініп тәуба қыламын,  
Шүкір деп таңға әр атқан.  
Жәннатты да береді,  
Тәубаны берген жаратқан.  
Жетермін бір күн артыңнан,  
Ақиқат болса бір өлім.  
Жәннатта табыссақ деген,  
Үмітпен өмір сүремін.

Еске алушы жарың Шайгүл.  
Алматы қаласы.

**Сен туған күн, мерекенімен!**

**Құрметті Нүрзила Бақытжанқызы!**

Сізді мерейлі 60 жасқа толған мерейтойыңызбен шын жүректен құттықтаймыз! Бұл – өмір жолындағы үлкен белес, еңбегіңіздің жемісін көріп, құрметке бөленетін ерекше кезең. Сіз – ұжымға бағыт-бағдар беріп, шәкірттерге сапалы білім мен саналы тәрбие беруде аянбай еңбек етіп келе жатқан білікті, білімді басшысыз. Сіздің парасаттылығыңыз, іскерлігіңіз бен адамгершілігіңіз бізге әрдайым үлгі. 60 жаста да күш-қайратыңыз артып, ақыл-парасатыңызбен бізді алға жетелей беріңіз.



Осы айтулы күні сізге зор денсаулық, ұзақ ғұмыр, отбасыңызға амандық, еңбегіңізге табыс тілейміз. Әр күніңіз қуаныш пен шаттыққа толы болып, абыройыңыз арта берсін!  
Құтты болсын алпыс - асқар жасыңыз,  
Әлі талай белес-шыңнан асыңыз!  
Алда талай игілікке көш бастап,  
Өрге қарай домаласын тасыңыз!  
Жақсылыққа толып әрбір күніңіз,  
Мағыналы, ұзақ өмір сүріңіз.  
Отбасыңыз бақ-береке бағы боп,  
Қуаныштан тек жадырап жүріңіз!  
Ізгі ниетпен: Ақын Сара атындағы орта мектебінің ұжымы.

**ШЫН ЖҮРЕКТЕН  
АЛҒЫС АЙТАМЫЗ**

Өз ісіне адал, мейірімділік пен жанашырлықты қатар алып жүретін білікті мамандардың барлығы көңілімізге сенім, болашағымызға үміт ұлатады. Сондай майталман маманның бірі әрі бірегейі, әрбір баланың денсаулығына үлкен жауапкершілікпен қарап, ата-аналарға да әрдайым қолдау көрсетіп жүретін Сарқан аудандық орталық ауруханасы балалар емханасының меңгерушісі Пекер Назәул Өнербековнаға шын жүректен алғысымызды білдіреміз.

Емханаға әр берген сайын жылы жүзбен қарсы алып, бар жан-тәнін ізбен көмектесуе дайын тұратыныңыз біз үшін өте бағалы. Әрбір балаға деген мейіріміңіз, кәсіби біліктілігіңіз бен жауапкершілігіңіз – ата-аналар үшін үлкен сенім.

Сіздің еңбегіңіздің арқасында көптесен балалар сауығып, ата-аналар көңілі жайланып келеді. Осындай қажырлы еңбегіңіз, сабырлығыңыз бен адамгершілігіңіз үшін сізге шын көңілден үлкен рахмет айтамыз.

Сізге зор денсаулық, отбасыңызға амандық, жұмысыңызға табыс тілейміз! Халыққа жасап жүрген иелі ісіңіз әрдайым жемісті болсын!

Жадыра АЯЗБЕКОВА.

**ҚАРЖЫЛАЙ  
ДЕМЕУШІЛЕРДІ  
ІЗДЕЙДІ**



Жеттістен асса да жүгіруден алдына жан салмайтын Шерубаев Ғалым атамыз туралы бұрынғырақ газет бетінде («Жетпей ескен желаяқ ата», 2025 жыл, №22, 6 маусым, 8-бет) жазған болатынбыз. Осынау жасында жүгіруден түрлі деңгейдегі талай жарыстарға қатысып, үнемі жүдделі оралатын Ғалым Шерубаев ағымдағы жылдың 19 сәуір күні Алматы қаласында өтетін өңірлі Алматы Half Marathon жарысында өз бағы мен бабын сынап көрмекші.

Аталмыш жарысқа қатысу үшін кейіпкеріміз қаржылай демеушілерді іздейді. Жеттістен асса да жігері мұқалмаған Ғалым атамызға қолдау білдірейік. **КАСПИ қартасының номері 4400 4303 0665 3608 GALYM SHERUBAYEV, байланыс телефоны және каспи номері 87074556754 Шерубаев Ғалым.**

**АУДАН ТҰРҒЫНДАРЫНЫҢ НАЗАРЫНА**

“Сарқанирригация” ШЖҚ МКК “Табиғи монополиялар туралы” Қазақстан Республикасы Заңының 25-бабының 10-тармағына сәйкес, **2026 жылғы 30 сәуірде сағат 11.00-де** тұтынушылар мен басқа да мүдделі тұлғалардың алдында 2025 жылғы тарифтік сметалар мен инвестициялық бағдарламалардың орындалуы бойынша есеп беру жиналысы өткізілетінін хабарлайды.

Мекен жайы: Сарқан ауданы, Сарқан қаласы, Абай көшесі №99, “Сарқанирригация” ШЖҚ МКК ғимараты.

**SARQAN**  
Құрылтайшысы:  
“Сарқан газеті” ЖШС директоры  
ИГИМАН Жомарт Қақталұлы  
Бас редактор:  
ЖЕҢІСХАН Партия

**Меншік иесі: "Сарқан газеті" жауапкершілігі шектеулі серіктестігі**

Газет Қазақстан Республикасы ақпарат және қоғамдық даму министрлігінің Ақпарат комитетінде 2019 жылғы 30 қазанда тіркеліп, №KZ46VPY00016564 куәлігі берілген.

Редакцияның мекен-жайы:  
041500 Сарқан қаласы Тәуелсіздік көшесі, 117  
Телефон: 2-20-47, 2-23-53  
e-mail:  
[igiman01@mail.ru](mailto:igiman01@mail.ru)

Таралымы: 3009  
Осы шығарылымның таралымы: 3009  
Газет индексі: 36202, 16202  
Оффсеттік басылым 1 баспа тәсіл.  
Газет аптасына бір рет жұма күні қазақ және орыс тілдерінде шығады.

Жарнама мен хабарландырулардың мәтініне жарнама беруші жауапты.  
Жарияланған мақала авторларының пікірлері редакция көзқарасын білдірмейді.